

商

南

縣

志

稿

卷

二

陝西省圖書館藏書

書號 206315 390

登錄原 12791

00807

商南縣志第四卷

渠堰

知商南縣事西蜀羅

文思叔輯



水澤之利灌溉為大漢元鼎中下詔曰農天下之本也
泉流灌寢所以育五穀關中自鄭國渠起後田白公復
奏穿渠曰白渠而商洛間多有溪流民頗得自取以溉
焉邑之河渠水堰可條分而縷晰矣

縣河發源於邑東北四十里老龍潭南流逕城東
門外又南流微西十里為沐河五里至三角池同為

縣河又南流二十五里至韓家山入丹江 堰八道
張高堰 城南二里灌武家泉田七十二畝縣河
兩岸皆可灌溉其在西岸者首此

二道堰 城南三里灌二道河田六十畝

魏家堰 城南微西十五里灌三角池田三十畝

洪埕堰 城南二里灌保合寨田一百餘畝其在

東岸灌溉者首此

李家堰 城南三里灌保合寨田七十餘畝

張石堰 城南七里灌石門村田六十畝

沐河堰 城南十里灌沐河田一百餘畝

三角池堰 城南微西十五里灌三角池田三十

六畝

富水河 發源於與盧氏接壤之界嶺東北七十里

南流四十里逕生龍寨又東南流三十里至河南浙

川界又二十里至浙川之草場入淇河 堰八道

高家堰 城東二十五里自界嶺南流至摩峪口

分四堰東岸首此灌田一百餘畝

郭家堰 城東南二十五里灌生龍寨田一百四

十餘畝

馬家堰 城東一十五里自摩峪口分堰西岸首

此灌摩峪田一百餘畝

興龍堰 城東二十里灌摩峪田二百五十畝

以下新堰四從上四堰東西分流

高家新堰 城東二十五里灌田二十畝

吳家新堰 城東二十五里灌田八畝

賈家新堰 城東二十五里灌田八畝

王家新堰 城東二十五里灌田十畝

清油河 發源於西北雒南花獐坪東南流入境為

清油河又東南流三十里至韓家山入丹水堰一道

鞦韆堰 城西三十里引清油河水灌田三十六

畝

滔河 發源於商州大竹園東流三里入邑境什里

坪又三十里逕余家棚又東南流歸鄖縣入漢江

堰二道

什里坪堰 城南二百四十里灌田八畝

余家棚堰 城南二百一十里灌田八十二畝

北山壩小河 發源於東南三十五里生龍寨之雞
亭西流逕窰溝迄龍窩又十五里至保合寨之三角
池入縣河 堰二道

窰溝堰 城東南二十里引龍山壩水灌田五畝

龍窩堰 城東南二十五里灌生龍寨田八畝

馬槽溝北壩水 發源東五里由東南流入二道河

堰一道

馬槽溝堰 城東五里引北山壩水灌田五畝

五狼溝壩水 發源西北三里南流二里過永安寨

又東南逾石門入縣河 堰三道

五狼堰 城西三里引北山壩水灌田六畝

吉公堰 城西五里逕党家店灌田七畝

索峪堰 城西七里灌田二十四畝

馬庄堰泉水 發源西北二十五里南流十里逕捉

馬溝逾紅廟子入清油下河 堰二道

捉馬溝堰 城西二十里引馬家崖泉水過永安

寨灌田七十五畝

胡家新堰 城西南二十三里引馬庄泉水灌田

三十餘畝

靳家河 發源於西北五十里靳家溝南流二十五里過失馬寨又南流十里入清油下河 堰一道

失馬寨堰 城西二十五里引靳家河水灌田五

十六畝

青山河 發源於東南四十七里生龍寨之分水嶺西南流七里逕青山寨又西南流三十里至韓家山入丹水 堰一道

青山寨堰 城東南四十里引青山河水灌田二

十畝

紅土嶺水 發源青山寨東流二十里至河南浙川地又二十里入浙川之雞亭河 堰一道

紅土嶺堰 城南三十五里引紅土嶺水灌田四畝

狄坪河 發源於南一百三十里之汪家店北狄坪溝又南流東注梳洗樓之馬鞍山入丹水 堰一道
狄坪堰 城南一百三十里引狄坪河水灌田三

十畝

薄河 發源於西南一百四十里索凹溝之龍潭東
北流至薄河十里又東北流三十里入湘河 堰一道

薄河堰 城西南一百四十里引薄河水分左右

三渠各灌田十畝

湘河 發源於商州范家山入邑境湖湘河逕白家
村東北流四十里過喬家口又北流五十里入丹水
堰一道

喬家堰 城西南一百二十里引湘河水灌田八

畝

陳溪河 發源於南二百里之西南二十里龍眼溝

東北流逕趙家川寨子下入滔河 堰一道

寨子根堰 城西南二百里引陳溪河水分左右

六渠灌田三百五十畝

兩河在縣南四十里可資灌溉 賈志

兩河即丹水商南萬山環列丹水夾山而流臨水之

田每遭衝湮利於州不利於縣也 州志

按丹水自龍駒寨逕竹林關過山陽界受銀花河高
八店水中村水又東逕雷家洞入邑境受武關河清

油河沐河寶于河索峪河縣河合衆流而勢急故竹林關以上利於州以下不利於縣也近日土民於引水入口處勒石築堤無衝湮之患矣

堰說

平田作渠引水以資灌溉非不善而天時少旱水易涸與無渠等惟有堰始能常蓄澗流作堰之法畧如築壩但壩須留港此則橫截中流較平田少低數寸水大則直過其上水小則停蓄不洩也

薛志

塘說

兩山夾送其中稍平開土成坵如堦而下者爲山田多苦旱救之惟以塘作塘之法先度地勢於田頭之上當衆流所歸處隨地寬廣開挖爲塘塘形多上高下卑其下即以塘土築橫隄隄脚布木椿以防卸隄中留水竇以備啟放此謂頭塘田之中段亦有旁山歸溜處倣前作之謂之腰塘間有開塘得泉者百中一二大都全藉山澤雨溜塘中必多蓄水草菱荷草

魚之類則經旱不易涸

薛志

按作塘隄脚布木椿以防卸弗若隄上植柳其枝葉

可蔭塘根能固隄脚留水實用新伐松存皮剖兩半
剔空如竹去內節然長短照隄厚薄木頭實尺許上
下覆合壓隄下頭入塘內尾出隄外鑿頭上半空處
方寸作水眼以木削尖鑿塞之啟放時抽豎木水從
眼流出入田松存皮在水中經久不朽塘水肥菱草
乃生魚易長種荷成藕壞隄余蜀家居時曾作塘知
甚悉

按河渠塘堰水半出於地半資於天天旱不雨則出
於地者亦易涸邑雖多山山多石於平地深鑿則見
水不為棄井井水全出於地天旱可以灌溉

風俗

古者省方首問風俗故太史採各國之歌謠而獻之以
考士女之貞淫政治之得失此國風所由作也乃繫於
水土為風感於君上為俗於以返澆漓而還敦龐責有
攸歸矣

士習

醇厚樸實尚勤儉急公守法少儀文州志

民風

厚重質直守法令井辛苦勤稼穡州志

隨書地理志云上洛弘農本與三輔同俗自漢高發

巴蜀之人定三秦遷巴之渠率七姓居於商洛之地
由是風俗不改其壤其人自巴來者風俗猶同巴郡
寰宇記俗多獵山伐木深有楚風

邑介梁豫秦楚間隰土惟黃白壤原土亦埴瀕河夾
以山水清曠得陰陽之正候氣應律立春以後漸溫
至五月而暑盛立秋以後漸涼屆十一月而寒沍

元旦 祀先禮神賀新年

立春 設飲食迎春

人日 前後宴客名爲節酒

上元 張燈立火樹士民相與勝槩處聚飲行樂

十六日 清晨至午婦女城上遊百病

二月三日 祀文昌

寒食前 掃墓至清明日止

四月八日 祝城隍

五月五日 書門符懸艾虎兒童佩長命縷以糯米
爲角黍相餽送

五月十三日 祭關帝

七月七日 女子祀織女穿乞巧針

中元 祀先拜墓

中秋 玩月聚飲

重陽 啖花糕菊酒

十月一日 祀先拜墓剪紙送寒衣

冬至 士行拜禮於官師子弟行拜禮於尊長

十二月八日 食厚粥以米豆麥煮之俗名臘八

十二月二十四日 祀竈

除夕 掛門線拖符放爆竹一家少長團團相聚圍

爐共酌謂之守歲

羅整公曰邑民淳訟簡號易治 賈志

陳大中承乾隆十年曉諭關中興除事宜告示為風俗
要書云陝省民風直樸尚易化導全賴官長隨時教
誡又云陝省素稱儉樸近來日漸奢侈宜平時預為
樽節去浮華以歸實用凡為民籌久遠者詳且備管
子曰衣食足而知禮節又召民之路在上之所好惡
噫余為民牧可勿軫慮耶

田賦

則壤成于禹貢疆里著自周詩有田則有賦所以食野

人養君子也邑土狹而多瘠明末民遭寇禍田卒汙萊
國朝招復流移豁除虛賦休養生息百年於斯稅歛薄丁
口繁求民之莫者其留意焉

地糧 原額六等共地陸百玖拾壹頃叁拾陸畝貳
分伍釐壹毫零內

早銀地陸拾陸頃陸拾貳畝零

早銅地貳百壹拾伍頃陸拾玖畝零

早鐵地叁百伍拾頃五畝零

水金地伍拾貳畝

水銀地貳拾柒頃陸拾貳畝零

水銅地叁拾頃捌拾肆畝零

以上每畝科糧不等並山坡租籽共徵本色折色
糧玖百伍拾貳石玖斗陸升柒合伍勺零每石折
徵銀壹兩肆錢陸分陸釐叁毫肆絲玖忽貳微肆
纖壹塵柒渺共折徵銀壹千貳百叁拾伍兩陸錢
貳分柒釐零內除

荒地肆百柒頃柒拾伍畝柒分零

實熟地貳百捌拾叁頃陸拾畝伍分貳釐內

早銅地肆拾柒頃壹拾伍畝伍分叁釐貳毫

早鐵地貳百貳拾壹頃伍拾貳畝肆分伍釐柒毫

水金地貳拾壹畝玖分玖釐壹毫

水銀地陸頃伍拾貳畝

水銅地捌頃壹拾捌畝伍分肆釐

山坡租籽熟糧陸石伍斗玖升壹合捌勺叁撮貳圭

以上每畝科糧不等共折色糧貳百叁拾陸石陸

斗柒升伍合零折徵銀叁百肆拾柒兩貳錢伍分

伍釐壹毫零本色糧貳拾玖石伍斗柒升貳合零

折價銀伍拾兩壹錢玖分捌釐貳毫零

均徭除荒實徵銀肆百肆拾肆兩柒錢陸分捌釐零

額外停免銀玖拾貳兩捌錢壹分伍釐壹毫零

額外課程銀叁錢壹分

國朝地畝循明萬歷十年清丈例分金銀銅鐵錫五等

邑早銀地全除有早銅早鐵水金水銀水銅五等歷

今額內額外共實徵銀壹千肆兩伍錢玖分玖毫零

招墾

乾隆六年將陝省荒地應行開墾並酌議招墾事奏

准部飭通查商州及所屬隙地叁萬餘畝可以開墾嗣
經通議奉行無主荒地由官招墾有主自認無力開
墾者酌定價值召墾給照爲業如三年不墾地又不
清價者追照存案另招所墾之地照各地方土宜以
三四五畝折徵一畝不等限十年起科
乾隆六年邑令郭堂報墾陸頃貳拾伍畝
陳大中承曉諭興除稟宜告示內載凡有開墾荒土許
即承爲己業零星數畝永免墾科

里甲

舊十二里 州志云商南舊十二里明初所分置也
至崇禎十一年寇賊爲禍人戶凋殘

國朝順治四年奉均丁糧改爲一里

今一里名城邑里

今十甲第十甲編入本州邑止九甲

戶口

今壹千伍百餘戶

今男女大小伍千玖百玖拾餘口

民丁

原額人丁三等九則不一共折下下丁肆千肆百肆拾捌丁每丁徵銀肆錢貳分捌釐玖毫叁絲叁忽共銀壹千玖百柒兩捌錢玖分陸釐壹毫內除優免丁捌拾捌丁豁免逃亡丁肆千伍拾捌丁止存丁叁百貳丁前招回並節年審出丁壹百叁丁共丁肆百零伍丁

康熙十六年奉

旨豁免殺傷丁貳百壹拾叁丁實在丁壹百玖拾貳丁又節年審出丁貳拾貳丁

今實在丁共貳百壹拾肆丁徵銀伍拾玖兩叁錢叁分玖釐捌毫零

雍正伍年以糧載丁將丁均入糧內以通省糧銀均攤通省丁銀邑均增銀玖兩玖錢肆釐壹毫零丁銀以此為定額嗣後審出新丁永不加賦如新墾地畝止將此丁銀均於新舊糧銀內通融均攤今永不加賦丁叁拾捌丁

初因田定賦以人起丁西延鳳漢榆同六府與商邠乾鄭緱六州額徵丁銀遇閏年共壹拾柒萬伍千伍

拾貳兩陸錢柒分陸釐零雍正四年川陝總督岳
以糧載丁奏奉

旨准行自雍正五年為始減免民丁銀柒萬捌千伍拾壹
兩壹錢捌分伍釐零其丁銀玖萬柒千柒錢玖分零
均入糧內約計每糧壹石銀壹兩攤入丁銀壹錢伍
分零

起運

歲於地糧實徵銀壹千肆兩伍錢玖分玖毫零內起
運除扣留外實解銀貳百叁拾玖兩貳錢伍分貳釐

貳毫零

解藥腳價盤纏銀伍分玖釐貳毫零

解額外課程銀叁錢壹分

存留

歲存留銀柒百陸拾肆兩玖錢陸分玖釐貳毫零

請撥

歲在司庫請領撥補銀貳百伍拾貳兩陸錢伍分伍
釐捌毫

支銷

解站支新墾並浮銀及新增共銀肆拾叁兩柒錢叁分壹釐壹毫零

解半留紙劄銀貳錢伍分伍釐陸毫零

解經襟孤貧新增銀叁拾肆兩叁錢玖分柒釐捌毫

零

知縣一員俸薪銀貳拾肆兩捌錢肆分肆釐貳毫零

門子二名工食銀壹拾壹兩壹錢伍分叁釐肆毫

零 每名伍兩伍錢柒分零

皂隸十四名伴作二名工食銀捌拾玖兩貳錢貳

分柒釐陸毫零 每名伍兩伍錢柒分零

馬快八名工食銀壹百貳拾肆兩玖錢壹分捌釐

柒毫零 每名拾伍兩陸錢叁分零

民壯二十八名工食銀壹百陸拾捌兩 每名陸兩歲冬解澆閏一名銀陸兩

禁卒八名工食銀肆拾肆兩陸錢壹分叁釐捌毫

零 每名伍兩伍錢柒分零

轎傘扇夫六名工食銀叁拾玖兩叁分柒釐零

庫子四名工食銀貳拾貳兩叁錢陸釐玖毫零

斗級四名工食銀貳拾貳兩叁錢陸釐玖毫零 每名同上

典史一員俸薪銀貳拾玖兩貳錢玖分陸釐肆毫零

門子一名工食銀伍兩伍錢柒分陸釐柒毫零

馬夫一名工食銀伍兩伍錢柒分陸釐柒毫零

皂隸四名工食銀貳拾貳兩叁錢陸釐玖毫零

訓導一員俸薪銀肆拾兩

齋夫三名工食銀叁拾叁兩肆錢陸分叁毫零

膳夫二名工食銀壹拾貳兩叁錢玖分貳釐柒毫

零

門斗二名工食銀壹拾叁兩叁錢捌分肆釐壹毫

零 每名陸兩陸錢玖分

廩生二十名月糧銀伍拾玖兩肆錢捌分伍釐壹毫

零 每生廩膳銀叁兩伍錢玖分逢閏加增

文廟春秋祭祀銀壹拾貳兩柒錢叁分玖毫零 餘在司庫請領

鄉飲銀柒錢肆分貳毫零 歲舉行捐添歲不舉行解司庫

端陽霜降操練犒賞銀共伍錢玖分壹釐玖毫有

零 二項歲先期分送防汛

舖司兵一十三名工食銀柒拾捌兩

渡河水夫二名工食銀貳兩壹錢陸分捌釐陸毫

孤貧二十一名口糧銀柒拾伍兩陸錢外花布銀

壹兩伍錢貳分肆釐零

每名一日口糧銀壹分
月小建扣年逢閏加

祭需

文廟各壇春秋二祭除在實徵存留內扣支壹拾貳兩柒錢叁分玖毫零外在司庫請領銀陸拾兩陸錢貳分叁毫零

關帝廟春祭銀捌兩叁錢零夏祭伍兩壹錢貳分零秋祭捌兩叁錢零三季共銀貳拾壹兩捌錢捌分零俱在司庫請領

雩壇祭祀銀肆兩在司庫請領

廉費

知縣養廉銀陸百兩公費銀壹百陸拾兩

典史養廉銀陸拾兩

廉費銀例於地丁所徵耗羨銀內留支緣邑錢糧無幾耗羨不敷留支除將徵收地丁並課程耗羨銀壹百伍拾兩陸錢捌分捌釐陸毫零全數留支外其不敷廉費銀陸百陸拾玖兩叁錢壹分壹釐肆毫零奉

文在隣近藍田縣按季關支年底造冊奏銷

稅銀

地稅無定額儘收儘解

今約十兩外

畜稅無定額儘收儘解

今約十兩外

商南縣志第五卷

貯備

魏李悝平糶之制耿壽昌祖之以設常平開皇立義倉
晦翁設社倉皆所以備荒而紓民困者

國朝昇平百年惠養黎庶法極周至常社二倉尤王政之
大可久也關中乾隆十年頒有常平倉規條社倉規條
遵而行之實有利而無弊云

常平倉

舊殿卷座

大堂下左右相向共拾貳間康熙五

十六年邑令程瓚奉建

廡壹座 大堂左肆間雍正六年邑令楊毓芳奉

建

新廡貳座 大堂左捌間乾隆五年邑令郭堂奉

建

以上廡陸座並義學倉分爲拾廡於後

裕字廡 堂左座北向南

豐字廡 堂左座北向南

大有廡 堂左座北向南

東北倉 堂左座東向西

東中倉 堂左座東向西

東南倉 堂左座東向西

東邊倉 堂左座東向西

西北倉 堂右座西向東

西南倉 堂右座西向東

義學倉 明倫堂前座北向南

以上拾倉均額貯京斗糧捌千捌百玖拾伍石伍

斗零出陳易新借三存七歲以爲常

社倉

在城社倉 廩壹座捌間雍正柒年建今現貯本息京斗糧壹千玖百捌拾柒石貳斗貳升

韓家山社倉 廩壹座肆間雍正柒年建今現貯

本息京斗糧玖百柒拾肆石玖斗貳升

梳洗樓社倉 廩壹座肆間雍正柒年建今現貯

本息京斗糧玖百陸拾伍石伍斗貳升

以上三社今現共貯糧叁千玖百貳拾柒石零

存半借半每石加息耗穀壹斗壹升歲以為常

鹽引

禹貢海岱惟青州厥貢鹽絺洪範水曰潤下作鹹周禮鹽人掌鹽之政令以供百事之鹽自管仲始正鹽筴十口之家十人食鹽百口之家百人食鹽邑食鹽運自解池晉商辦運官為畫價民以為便

邑歲額銷鹽引貳百伍道

代銷餘引肆百叁拾玖道

鹽價以斗計每鹽壹斗計重叁拾觔每斗定價銀肆

錢捌分制錢肆百捌拾文不照制錢時價折銀錢價

有低昂定數無消長

按邑計口食鹽自晉之解池運潼關至龍駒寨轉發城中銷引共陸百肆拾肆道每壹百貳拾道納課銀伍拾兩晉商承辦每歲按季繳引按年奏銷解池本顆鹽視他產末鹽為良猾商牟利或乘霖潦鹽產稀輒雜以硝土出市澁苦不堪食矣剔惡鹽以便民食斯亦善政也薛志

物產

土地廣生各有攸宜凡境內所產皆足以利民用而照

物采不必南國之竹箭青齊之壓絲也邑居山谷間穀食而外物產繁多取材者得以窮地利之不匱云穀之屬

黍 商志黍亦云糜山陽志黍有數種黍中呼酒

糜子米可作酒

稷 本草稷即稌一名粱楚人謂之稷關中謂之

糜其米為黃米山陽志黍為酒黃米稷為飯黃

米

粟 商州志今天下所謂粟米者正稷米也雒南

鎮安山陽及他志俱不載粟郭璞云江東人呼
稷爲粱然則粱也稷也粟也正是一物所以諸
志謂粟即稷而不載粟今按授時通考稷與粟
繪圖各異是稷即粱而稷非粟也又本草稷米
在下品粟米在中品迥然二物故先儒疑焉詢
邑之老農云稷穗橫出粟穗下垂稷如黍去穗
子可作帚粟粒成簇稗中空有節可飼畜廣志
載粟有赤白黃各種羣芳譜北人日用不可缺
者謂之小米即此粟粟未去皮曰粟穀亦曰小

穀關中常社三倉多貯此

稻 一名秣有數十種州志稻之秣者宜飯糯者
宜酒

粱 白粱謂之芑赤粱謂之藜黃粱穗大毛長謂
之竹根黃均可釀酒

小麥 秋種冬長春秀夏實其四時之氣淮南志
粒大無芒者謂之山麥

大麥 本草穗有六稜者爲六稜麥紅皮者爲酒
麥爾雅翼云麩麥即今之大麥較小麥堅耐煮

宜為飯俗呼麥仁可為醋其葉可為錫

按陝屬地方種收各有不同商節氣差早夏收
大麥種大穀收小麥種小穀秋收大小穀又種
大小麥每歲二收大麥大穀宜於田小麥小穀
宜於土

青稞 形似麥而皮薄

燕麥 有老燕麥小燕麥粒細長似菰米宜山坡
種麥 大穰麥似大麥粒稍肥小穰麥似小麥粒
亦肥俗呼豫麥

蕎麥 羣芳譜苦蕎似甜蕎而無稜甜蕎味不苦
而麵白宜山地

蜀黍 名稻黍一名商梁有酒飯二種又名蘆稌
玉蜀黍 蜀呼苞穀籼葉類高粱而肥矮粒如芡

實大而莖白廣羣芳譜一名番麥一名玉末色
有白紫藍之不同授時通考苗心別出一苞如
梭魚形苞上出鬚如線久則苞圻子出

莠稗 廣羣芳譜稗有水稗旱稗水稗生田中旱
稗苗似稗子色深綠結子如黍粒

大豆 菽之大者為黃豆京豆有黑青紫數種可
作腐可取油

小豆 菽之小者色赤入米中煮粥作飯

豌豆 有青白二種久則黑可作粉可飼畜

綠豆 一種綠而微黃者均可煮飯作粉

扁豆 一名板豆又名雞風豆有花紅白色二種

筴形或長或圓子有黑白赤斑四種

芝麻 色有黃白黑均可取油黑者入藥名巨勝

以上穀之屬俱色土產詳註之以下蔬菜草木

竹花貨藥禽獸鱗介虫豸凡色土產者悉載之
他書未詳者仍註之餘註本草羣芳譜爾雅翼
授時通考及各志故畧焉

蔬之屬

芥 韭 葱 蒜 菹 茶 蕨 薺 芹 芋
白

蔓青 蘿蔔 蒿苳 灰藿 玉環 金針

百合 土芋 磨菰 山藥 茄子 瓠子

壺盧 豇豆 刀豆 小苳 苳蒿 香椿

王瓜 菜瓜 絲瓜 南瓜 冬瓜 竹筴
蘆筴 秦椒

甘薯 俗名番薯又名紅薯其形圓長紫皮白肉
養人與稻米小麥同功乾隆十一年在河南南召
購種照

陳大中丞勸種甘薯法今富水關居民布種有益今
漸廣

果之屬

杏 桃 李 柿 梨 梅 棗

石榴 葡萄 櫻桃 榛子 松子 銀杏
蘋果

柰 本草柰即蘋果羣芳譜謂柰與蘋果一類二
物或云諸果入水沉此獨與水向平名平果

栗 桐場栗大如桃名桐栗今少

胡桃 俗名核桃鄉城皆有市餘取以榨燈油

草之屬

茅 蒿 艾 蘆 菅
黃蔭 馬蘭 無心草

本草屬

紫芝 各書載四皓茹紫芝於商山中今角山角里先生隱處樵者每得之深谷味苦可療饑木之屬

松 栢 楸 檉 榆 柳 楊 槐 檉 桐

檉 棟 檀 枸 榿 棠 檉 梓 檜 桂

榿 梧 桐 冬青 丹青 白楊 女貞 皂莢

黃櫨 棉木 皮即杜仲 通脫 心即通草

楮 俗呼構即穀樹葉有瓣曰楮無瓣曰穀剥皮

成穰作紙無論巖崙土坎石隙道旁雨後將嫩枝連老根栽插即活葉可飼猪條可作穰留根以取材近日上民伐無用之木蓄有用之楮則無用之

山為有利之藪矣 漆樹 南北山甚多識者少按授時通考樹高二三丈身如柿皮白葉似椿花似槐子似牛木子木心黃六七月刻取滋汁以竹筒釘入木中或以斧逆斫其皮開以竹管承之滴汁則為漆也今繪圖

曉諭悉知取

木屬

拓 農政全書柘葉叢生幹疎葉豐而厚春蚕食之
其絲以冷水繅之謂之冷水絲柘蚕先出先起而先
繭吾蜀柘葉先發飼蚕者採之繼以桑

桑 郭橐駝種樹書雞脚桑葉花而薄得繭薄而絲
少白桑葉大如掌而厚得繭厚而堅絲每倍常桑乾
隆十年

陳大中承曉諭興除事宜告示謂陝省古蚕桑地今日
久廢弛凡有舊桑成株者宜保護培植屋旁隙地種
植桑秧一二年後便可養蚕今清油河之西一望平

原桑數百株城內新植亦衆養蚕賣絲者數家欲從
此推廣而又遠伊誰責耶

椿 農桑輯要木實而葉香有鳳眼者謂之椿木疎
而氣臭者謂之檇廣羣芳譜椿檇一類二種東省養
蚕成法臭椿嫩芽時紅色成葉後青色似香椿子結
瓣中如目之有珠山蚕食之成繭灰色大如棗其蛾
黑花子色白蚕初出黑色至二眠後色黃白三眠後
色白身有肉翅尾岐長二寸許又椿蚕一眠起後移

置椒樹名椒繭

青杠 柞樹 櫟樹

按東省養蚕成法青杠葉類柞葉而小結子與柞樹同柞有紅柞白柞葉尖州志櫟俗呼花力爾雅云櫟其實楸櫟也陸璣疏秦人謂柞櫟為櫟其子房詢養山蚕人云青杠葉蚕食之糞清易死葉早發俟柞櫟葉發移之無患柞葉蚕食之黃而不長櫟乃名花櫟而櫟非花力也青杠柞櫟三種俱不若櫟與柞為良陳大中承興除事宜告示內云放養山繭有柞葉櫟葉椿葉之處俱可行之吾邑柞櫟山山皆有今放養三

年漸有成效諸法悉載東省養蚕一書

櫟 博雅蒂有斗可染皂周禮掌染註謂之櫟斗實可食皮有白有紅葉小養蚕成法名小籩籬葉多稜窪結子上圓下尖狀如蓮子外殼內仁號曰櫟子子下有托房如栗房之半而小晉書庾亮傳與邑人入山拾櫟

柞 本草圖經高丈餘與櫟相類亦有斗養蚕成法名大籩籬又青杠名青杠籩籬柞葉尖名尖葉籩籬雖尖葉籩籬最能發蚕早眠早起繭大而厚葉盡易

發春秋可相繼但蚕食多病不如大簾羅氣味平和
故養山蚕者以柟為上椽次之青杠較二者稍下特
取其萌芽早發墩障多賴之

千枝栢 傳為邑之土產不多見惟青山筆峯山之
巔有數株形如側栢圓栢高六七尺州志云一本
千枝生南山今見者一本有三百餘枝

竹之屬

斑竹 苦竹 水竹 笛竹 鳳尾竹
邑之兩河自雷家洞至梳洗樓沿河一帶竹之可

為紙者有紙房紙槽收買者甚夥

花之屬

蘭 蕙 萱 菊 葵 荷 蓼

牡丹 玫瑰 蠟梅 碧桃 絳桃 玉蘭

辛夷 海棠 木槿 芍藥 薔薇 玉簪

雞冠 酴醾 月季 珍珠 石竹 扁竹

茉莉 錦葵 鳳仙 迎春 金盞 淡梅

山丹 鴛尾 罌粟

剪春羅 秋海棠 滴滴金 西番蓮 金鳳尾

貨之屬

漆 紙 絲 油 麻 穰 蜜 蠟 椒

橡斗 黃櫨 石灰 柴炭 磚瓦 通草

鹿筋 熊掌 獸皮

木耳 萬山中樛榭繁多土人伐木生耳俗名砍
扒先一年伐木次年夏間生耳榭抄向坡下水氣
不走禁燒山延火刀斧傷枝近日收買成包水陸
發運約計邑每歲雨水調勻鄉民獲利萬金邑與
鄖陽接壤運至襄漢作鄖耳出售價倍川耳客販

云川耳入水即腐不能出水留用鄖耳則異

葛 諸山皆產民以牧畜絞索供爨陶弘景曰葛
根可蒸以充饑宗奭曰冬間取生葛搗爛入水中
出粉以蜜拌食又將生葛根煮熟作果是葛可以
食也其花成穗纍纍相綴紅紫色晒乾可煉食用
麩拌亦可蒸食又其梗可績線成布周禮掌葛掌
以時徵絲紵之財於山農是葛可以衣也作粉作
布詳商州物產貨屬志今邑之民悉知作粉法尚
未知作布法也

藥之屬

麝香 熊胆 鹿茸 鹿角 虎勁 虎骨
羚羊角

以上山中所不常有民得之以售者

杜仲 黃芩 柴胡 丹皮 厚朴 黃柏

枳殼 枳實 半夏 南星 大黃 麥冬

茯苓 茯神 當歸 香附 山藥 苦參

荊芥 車前 木通 葛根

何首烏 金銀花 五加皮 地骨皮 五倍子

酸棗仁

以上山中所常有民採之以售者

夜明沙 蝙蝠糞爾雅註齊人謂之仙鼠屎焦氏

易林蝙蝠夜飛不敢晝行今北山巖穴中有此

五靈脂 寒號虫糞在山崖難到處一得數十斤

形似鷄五色揚子方言秦隴謂之鷓鴣禮月令

仲冬鷓鴣不鳴鄭註夜鳴求旦之鳥冬月毛脫

千里求食一處拋糞

歲靈仙 生先於衆草方莖數葉相對冬月丙丁

戊巳日採根唐周君巢傳云商地有人病手足
不遂遇新羅僧為入山求歲靈仙使服之數日
即愈

白朮 蒼朮 白芍 赤芍 遠志 藿香
桔梗 紫草 石斛 貝母 蒲黃 元參
前胡 牛膝 貫衆 連翹 欬冬 黃精
猪苓 澤瀉 白飲 王不留行
牛旁子 蒼耳子 益母草 石菖蒲 山茱萸
以上山中所有民未知採以售者

鳥之屬

雉 雀 燕 鵲 烏 鶯 鷓 鷯 鶻 鷓 鴒
鳩 鶯 鳩 鷹 鷓 鷯 鷓 鷯 鷓 鷯
鷓 鷯 黃鸝 蠟嘴 啄木 翡翠 鷓 雉
畫眉 伯勞 白鷓 黃雀 青鷓 八哥
鷓 鷯 竹鷓 崖鷓 華鷓 錦鷓

提壺鳥 韻會云提乃鳥羣聚貌詩小雅弁彼鸞
斯歸飛提提宋王禹偁詩商州未是無人境一路
山村有酒沽 遷客由來長合醉 不煩有鳥道提壺

獸之屬

鹿 麋 麀 麇 麝 狐狸 獾 獺 猿 熊

虎 豹 豺 狼 兔 麂

竹鼬 鼠 狼 碩鼠 羚羊 毫猪 野猪

鱗之屬

鯉 鯖 鮎 鮓 鮓 鱖 鱈

白鮓 紅線 人魚 蝮蛇

丹魚 抱朴子云丹水有舟砂出丹魚夏至前十

日夜伺之魚浮水赤光如火得之取血塗足涉水

若履平地

介之屬

龜 鼈 蚌 螺

蟲豸之屬

家蚕 蠟虫 崖蜂 蜜蜂 土蜂 馬蜂

螳螂 螻蛄 蜻蛙 蝴蝶 螽斯 百足

蜥蜴 蝙蝠 土鼈 蝎虎 蠍 蜈蚣 全蝎

蟬 促織 螢

壺盧蜂 七里遊

介虫

山蚕 乾隆十一年自河南購種覓河南山東人放
養拈絲織紬今土人學習漸有成效

商南縣志第六卷

典禮

國之大事首以祀凡足以祚土庇民捍災禦患邦有常
典莫敢廢也而功德在前代風節垂來許者春秋報禮
亦必有事焉乾隆十一年關中頒各壇廟儀注行耕藉
並日月食儀注損益得中有司設誠而致行所以遵法
守道民之路在是矣

朝賀

萬壽聖節 冬至 元旦前一日縣令率僚屬齊集安奉

龍亭公所具香案排班習儀行三跪九叩首禮禮畢退班
至日昧爽官僚依序文東武西班定行三跪九叩首
禮禮畢退班

迎接

詔勅賚使將至官僚肅朝服具香亭鼓樂郊外候
詔勅臨跪接於賚使之右起捧

詔勅供奉香亭內鼓樂前導官僚隨賚使後護至公所安
正官僚各依序文東武西排班行三跪九叩首禮禮
畢奉

詔開讀官僚跪聽讀畢仍捧供奉香案行三跪九叩首禮
禮畢退班膳黃張掛

乾隆十三年

各上憲議定

大行皇后儀注

訓旨畢各官摘纓更縞素服舉哀行三跪九叩首禮早晚
兩次奠茶舉哀行三跪九叩首禮三日後膳黃張掛
各官摘纓素服往來騎馬不坐轎連前三日至二十
七日止定例百日後剃頭

社稷壇 城東關外雍正十一年知縣郭堂奉建繚以垣

中築為臺四面啟門神主藏城隍廟祭日迎奉

壇位 祭文 維年月日官某致祭於

社

稷之神曰維

神奠安九土粒食萬邦分五色以表封圻育三農而蕃稼

穡恭承守土肅展明禋時屆仲秋春敬修祀典庶九九

松栢鞏磐石於無疆翼翼黍苗佐神倉於不匱尚

饗

風雲雷雨山川壇 城東關外雍正十一年知縣郭堂奉

建制如社稷壇神主藏城隍廟祭日迎奉

壇位風雲雷雨壇居中山川左城隍右 祭文

維年月日官某致祭於

風雲雷雨

山川

城隍之神曰維

神贊襄天澤福祐蒼黎佐靈化以流形生成永賴乘氣機

而鼓盪溫肅攸宜磅礴高深長保安貞之吉憑依鞏

卷之六 典禮

固實資捍禦之功幸民俗之殷盈仰

神明之庇護恭修歲祀正值良辰敬潔豆蓬祇陳牲幣尚

饗

先農壇 在東郊南關外雍正六年知縣楊毓芳奉建正

殿三楹奉先農神主東西房各一楹圍牆四週大門

一藉田四畝九分 祭文 維年月日官某致祭於

先農之神曰維

神肇興稼穡粒我蒸民頌思文之德克配彼天念率育之

功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彛章聿修祀事惟願

五風十雨嘉祥恒沐於

神庥庶幾九穗雙岐上瑞頻書於大有尚 饗

雩祭 孟夏之月蒼龍宿見東方筮日就社稷藉田等處

舊設壇墀行常雩禮先期齋宿祭品禮儀如制或有

亢旱每七日先祭界內山川次祭社稷虔禱雨澤不

雨仍行祈禱如初其或霪潦為災則伐鼓用牲祭祭

城門以祈晴霽自乾隆八年始 祭文

維年月日官某致祭於

社

稷

先農

山川之神曰蒼廡

詔命撫育羣黎仰體

彤廷保赤之誠勤農勸稼俯惟節屋資生之本力穡服田

今甲爰頒肅舉祈年之典惟寅將事用申守土之忱

黍稷維馨尚冀明昭之受賜來牟率育庶俾豐裕於

蓋藏尚饗

祭祭文 維年月日官某致祭於

城門之神曰

詔命臨民職司守土惟兆人之攸賴並藉

神功冀四序之常調尤蒙福蔭必使雨暘應候爰占物

阜而民安庶其寒燠咸宜共慶時和而歲稔仰靈樞

之默運幸集嘉祥裏元化以流行俾無舊害尚饗

屬壇 在城外東北岡清明日七月望日十月朔日迎

城隍神以主壇居正位屬列左側祀之

祀城隍又自撰屬前揖而不拜

文廟 載學校志

關帝廟 東關外明成化十四年建正殿三楹享殿門樓

各三楹康熙五十四年修葺雍正三年奉追封

帝三代公爵應照崇聖祠例建後殿 祭文

維年月日官某致祭於

關帝之

曾祖光昭公

祖裕昌公

父成忠公曰維

公世澤詒麻靈源積慶德能昌後為生神武之英善則歸

親宜享尊崇之報列上公之封爵

錫命優隆合三世以肇禋典章明脩恭逢諏吉祇事薦馨

尚饗

關帝祭文

維年月日官某致祭於

忠義神武關聖大帝曰維

帝浩氣凌霄丹心貫日扶正統而彰信義威震九州完大

節以為忠貞名高三國

神明如在徧祠宇於寰區靈應丕昭薦馨香於歷代屢徵
異蹟顯祐羣生恭值嘉辰遵行祀典筵陳蓬豆几奠
牲膠尚饗

龍王廟 在關外東嶺 祭文 維年月日官某致祭於

龍神曰維

神德洋洋海澤潤蒼生允襄水土之平經流順軌廣濟泉
源之用膏雨及時績奏安瀾占大川之利涉功資育
物欣庶類之蕃昌仰藉

神庥且隆報享謹遵祀典式協良辰敬布几筵肅陳牲幣

尚饗

城隍廟 在城內治東正殿享殿各三楹殿前右僧房三
楹左土地祠鐘亭大門戲樓三楹

文昌閣 在城內治前東南隅舊學宮今青山書院

奎星樓 在城東南角上占魁下繫鐘乾隆十三年重建

蓮花寺 城東二十里 賈志

真武廟 城東關外里許南望雙峰角里先生隱處乾隆

十三年建有碑

觀音閣 城南關外萬歷十一年砌石洞門建閣於上

龜霞寺 城南十里 賈志

大嶺觀 城南八十里 即玉青宮嶺下 茂栢參天 高閣凌

雲 為林泉之冠 萬歷十年建 康熙三十八年重修 乾隆

十二年增葺

玉皇閣 城南九十里 即獅犀樓 萬歷十三年建 康熙二

十三年重修

水府宮 在獅犀樓之下 面丹水 臨晉濟灘

石佛寺 城南一百八十里 鄭全寨地 正德十年建

京山寺 城西十五里 賈志

青龍宮 城西二十五里 陡嶺即角嶺

救護

日食月食 設香案 縣堂露臺上 具金鼓於臺下 官僚穿素

服 率紳士僧道環繞 三匝 初虧食甚 上香行三跪九

叩首 禮禮畢 鳴金鼓 候還圓 官換朝服 上香行三跪

九叩首 禮禮畢 各退 詳載新頒儀注 乾隆十三年定

例 食三分以下之處 不行救護

迎春

歲立春 先像塑土牛芒神於立春前一日 縣令率僚

屬各兵朝服陳香案排春花農具鼓樂前導迎春於
東郊以土牛芒神入陳於縣儀門外官僚縣堂筵宴
至日祭芒神以牲果酒醴至時行鞭春禮禮畢以土
牛頭寄庫送芒神供土地祠

